

四庫全書

經部

欽定四庫全書

經部

禮書綱目卷三十三至五

詳校官監察御史_臣左周

給事中_臣溫常綬履勛

總校官進士_臣何思鈞

校對官中書_臣金光悌

謄錄監生_臣龐兆懋

謄錄監生_臣俞鳳

欽定四庫全書

禮書綱目卷三十三

婺源江永撰

災變禮

凶禮十七

補

膳夫大喪則不舉大荒則不舉大札則不舉天地有災

則不舉邦有大故則不舉

大荒凶年大札疫癘天災日月晦食地災崩動大故寇戎

之事鄭司農云大故刑殺也春秋傳曰司寇行戮君為之不舉

天官

司服大札大荒

大災素服

大荒饑饉也大災水火為害君臣素服縞冠若晉伯宗哭梁山之崩

大司樂

凡日月食四鎮五嶽崩大傀異哉諸侯薨令去樂

四鎮山之

重大者謂揚州之會稽青州之沂山幽州之醫無閭冀州之霍山五嶽岱在兗州衡在豫州嶽在雍州恒在并州倪猶怪也大怪異哉謂天地奇變若星辰奔竇及震裂為害者去樂藏之也春秋傳曰壬午猶繹萬入去籥萬言入則去者大札大凶大戕大臣死凡國之大憂令不入藏之可知

弛縣

札疫癘也凶年也裁水火也弛釋下之若今休兵鼓之為並春官

右總要

天反時為戕

寒暑易節

地反物為妖

羣物失性民

反德為亂亂則妖戕生故文反正為乏

文字

十五年左

氏傳

小宗伯凡天地之大裁類社稷宗廟則為位禱祈禮輕類者依其

正禮而為鼓人救日月則詔王鼓救日月食王必親擊鼓者聲大異春

秋傳曰非日月之大僕軍旅甸役贊王鼓救日月亦

告不鼓地官如之日月食時春秋傳曰非日食則天子素服而脩

六官之職蕩天下之陽事月食則后素服而脩六官之

職蕩天下之陰事食者見道有虧傷也蕩蕩滌去惡穢也昏義諸侯旅見

天子入門日食則廢旅衆如諸侯皆在而日食則從天子

救日各以其方色與其兵示奉時事將有所討也方色者東方衣青南方衣赤西方

衣白北方衣諸侯相見揖讓入門日食則廢當祭而日

食接祭而已矣如牲至未殺則廢接祭而已大夫之祭

鼎俎既陳籩豆既設日食廢曾子問

右天地大裁 惟時義和畔官離次俶擾天紀遐

棄厥司乃季秋月朔辰弗集于房辰日月所會房

也不合則瞽奏鼓嗇夫馳庶人走凡日食天子伐

日食可知瞽樂官樂官進鼓則伐之嗇夫主幣之官馳義和

取幣禮天神衆人走供救日食之百役也尸厥官罔聞知主其官而無聞知于日昏迷于天

象以干先王之誅

閻錯天象言昏亂之甚干犯也

肩征

莊公

二十五年六月辛未朔日有食之鼓用牲于社

伐

鼓也用牲以祭社傳例曰非常也

非常也

非常鼓之月長歷推之辛未實七月朔置閏失

所故致月錯

唯正月之朔慝未作

正月夏之四月周之六月謂正陽之月今

書六月而傳云唯者明此月非正陽月也慝陰氣

日有食之于是乎用幣

于社伐鼓于朝

日食歷之常也然食于正陽之月則諸侯用幣于社請救于上公伐

鼓于朝退而自責以明陰不宜侵陽臣不宜掩君以示大義

左氏傳

日食則曷

為鼓用牲于社

據日食在天

求乎陰之道也

求責以朱

絲營社或曰脅之或曰為闇恐人犯之故營之或

者或人辭其義各異也或曰脅之與責求同義社者土地之主也月者土地之精也上繫于天而犯日故鳴鼓而攻之脅其本也朱絲營之助陽抑陰也或曰為闇者社者土地之主尊也為日光盡天闇冥恐人犯厯之故營之然此說非也記或傳者示不欲絕異記爾先言鼓後言用牲者明先以尊命責之後以臣子禮接之所以為順也不言鼓于社用牲者與禘于太廟用致夫人同嫌起用牲為非禮書者善內感懼天裁應變得禮也是後夫

人遂不制通于二叔殺二嗣子也

公羊傳

言曰言朔食正朔也鼓用牲于社鼓禮也用牲非

禮也天子救日置五麾陳五兵五鼓

麾旌旗也五兵矛戟鉞楯

弓諸侯置三麾陳三鼓三兵大夫擊門士擊柝言

充其陽也

凡有聲皆陽事以壓陰氣柝兩木相擊充實也

文公十

五年六月辛丑朔日有食之鼓用牲于社

傳例曰非禮也

非禮也

得常鼓之月而于社用牲為非禮

日有食之天子不舉

去威

饌伐鼓于社

責羣陰伐猶擊也

諸侯用幣于社

社尊于諸侯故請救

而不敢責之

伐鼓于朝

退自責

以昭事神訓民事君

天子不舉

諸侯用幣所以事神尊卑異制所以訓民

示有等威古之道也

等威威儀之等

差左氏傳

昭公十七年六月甲戌朔日有食之祝

史請所用幣

禮正陽之月日食當用幣于社故請之

昭子曰日有食

之天子不舉

不舉盛饌伐鼓于社

責羣陰諸侯用幣于社

請上

伐鼓于朝

退自責禮也

平子禦之

止也

唯正月朔慝未作日有食之于是乎有伐鼓用幣

禮也其餘則否大史曰在此月也

正月謂建巳正陽之月也于周

為六月于夏為四月慝陰氣也四月純陽用事陰氣未動而侵陽災重故有伐鼓用幣之禮也平子

以為六月非正月故

大史答言在此月也日過分而未至

過春分而三未夏至

辰有災

三辰日月星也日月相侵又犯是宿故三辰皆為災

于是乎百官降

物降物素服君不舉辟移時辟正寢過樂奏鼓祝用

幣

用幣于社史用辭用辭以責

故夏書曰辰不集于房逸書

也集安也房舍也日

瞽奏鼓瞽樂師

嗇夫馳庶人走

車馬曰馳步曰走為救日食備也

此月朔之謂也當夏四月是謂

孟夏

言此六月當夏家之四月

平子弗從昭子退曰夫子將有

異志不君君矣

安君之災故曰有異志同上

日食必救之何

陰侵陽也故用牲于社社者衆陰之主以朱絲繫之鳴鼓攻之以陽責陰也所以必用牲者社地別

神也尊之故不敢虛責也日食大水則鼓用牲于

社大旱則雩祭水雨非苟虛也勅陽責下求陰道

也月食救之者陰失明也救之者謂夫人擊鏡傳

人擊杖庶人之妻楔搔

白虎通

梁山崩

記異也梁山在馮翊

夏陽縣北晉侯以傳召伯宗絳人曰國主山川

主謂所祭

故山崩川竭君為之不舉

去盛饌

降服

損盛服乘縵車無

文徹樂

息八音

出次

舍于郊

祝幣

陳玉帛

史辭

自罪責

以禮

馬

禮山

其如此而已遂以告而從之

成傳

五年左氏國語詳

見因
祭篇

年不順成則天子素服乘素車食無樂自取損也至于八

月不雨君不舉

為旱變也此謂建子之月不雨蓋建未月也春秋之義周之春夏無雨未能成

災至其秋秀實之時而無雨則雩雩而得之則書雩喜祀有益也雩而不得則書旱明災成也年不

順成君衣布搢本關梁不租山澤列而不賦土功不興

大夫不得造車馬

皆為凶年變也君衣布者謂若衛文公大布之衣大帛之冠是也搢本去

珽茶珮士笏也士以竹為笏飾本以象關梁不租此周禮也殷則關恒譏而不征列之言遮列也雖不賦猶為之禁不得非時取也造五穀不升為大饑升成一穀謂作新也並玉藻

不升謂之嗛

足貌不

二穀不升謂之饑三穀不升謂之饉

四穀不升謂之康

康虛

五穀不升謂之大侵

傷

大侵之禮

君食不兼味臺榭不塗

塗墜飾

弛侯廷道不除

弛廢也侯射侯也廢

侯不燕射廷內道路不脩除

百官布而不制

官職脩列不可闕廢不更有造作

鬼神

禱而不祀

周書曰大荒有禱而無祀

此大侵之禮也

襄二十四年穀梁傳

歲

凶年穀不登

登成也

君膳不祭肺馬不食穀馳道不除祭

事不縣大夫不食梁士飲酒不樂

皆自為貶損憂民也禮食殺牲則祭先有

虞氏以首夏后氏以心殷人以肝周人以肺不祭肺則不殺也天子食日少牢朔月大牢諸侯食日特牲朔月

少牢除治也不治道為妨民取蔬食也縣樂器
鐘磬之屬也梁加食也不樂去琴瑟曲禮

國家

靡敝則車不雕幾甲不組膳食器不刻鏤君子不履絲

屨馬不常秣

靡敝賦稅亟也雕畫也幾附纏為沂鄂也組膳以組飾之及紵帶也詩云公徒三萬

貝冑朱綬亦鎧飾也少儀

大宗伯以凶禮哀邦國之憂

哀謂救患分裁

凶禮之以荒

禮哀凶札

荒人物有害也曲禮曰歲凶年穀不登君膳不祭肺馬不食穀

馳道不除祭事不縣大夫不食梁士飲酒不樂札讀為截截謂疫癘春官

小行人若國

札喪則令賻補之若國凶荒則令賙委之

鄭司農云賻補之謂賻喪

家補助其不足也若今時一室二尸則官與之棺也秋官

小宰荒受其幣王之

事

凶荒有幣王者賓客所賙委之禮

天官

右凶札 禮國有饑人人主不食國有凍人人主

不裘報囚之日人主不舉樂歲凶殺不登臺靡榭

徹于侯馬不食穀馳道不除食減膳饗祭有闕故

禮自行之義養民之道也 孔子在齊齊大旱春饑

景公問於孔子曰如之何孔子曰凶年則乘駕馬

力役不興馳道不脩

馳道君行之道

祈以幣玉

君所祈請用幣及玉

不用祭事不縣

不作樂也

祀以下牲

當用大牢此則賢者用少牢

君自貶以救民之禮也

家語

夏大旱公欲焚巫尪

巫尪女巫也主祈禱請雨者或以為尪非巫也瘠病之人其病上向俗謂天哀其病恐雨入其鼻故為之旱是以公欲焚之臧文仲曰非旱備也脩城郭貶食省

用務穡勸分

穡儉也勸分有無相濟

此其務也巫尪何為二僖

十一年左氏傳

歲旱穆公召縣子而問然

然之言馬也凡穆或作繆

曰天久不雨吾欲暴尪而奚若

尪者面向天觀曰天哀而雨之

天則不雨而暴人之疾子虐毋乃不可與

錮疾人之所哀

暴之是虐然則吾欲暴巫而奚若曰天則不雨而望之

愚婦人於以求之母乃已疏乎

已猶甚也巫主接神亦覲天哀而雨

之春秋傳說巫曰在女曰巫在男曰覲周禮女巫旱暵則舞雩徙市則奚若曰天

子崩巷市七日諸侯薨巷市三日為之徙市不亦

可乎

徙市者庶人之喪禮今徙市是憂戚于旱若喪

檀弓

隱公六年冬

京師來告饑公為之請糴于宋衛齊鄭禮也

告饑不以

王命故傳言京師而不書于經也雖非王命而公共以稱命已國不足旁請鄰國故曰禮也傳見隱

之賢

左氏傳

有焚其先人之室則三日哭

謂人燒其宗廟哭者哀精神之有虧傷故曰

新宮火亦三日哭

火人火也新宮火在魯成三年檀弓

諸侯旅見天

子入門大廟火則廢

大廟始祖廟宗廟皆然主于始祖耳

大廟火則從天

子救火不以方色與兵諸侯相見揖讓入門大廟火則

廢當祭而大廟火接祭而已矣如牲至未殺則廢大夫

之祭鼎俎既陳籩豆既設君之大廟火廢

曾子問

大宗

伯以凶禮哀邦國之憂以弔禮哀禍哉

禍哉謂遭水火宋大水魯莊公

使人弔焉曰天作淫雨害于棗盛如何不弔廢焚孔子拜鄉人為火來者士一大夫再亦相弔之道

春官

小行人若國有禍災則令哀弔之

水火

大行人致

禮以補諸侯之裁

致禮之弔禮禮也補諸侯裁者若春秋澶淵之會謀歸宋財並

官秋

右水火 成公三年二月甲子新宮災三日哭杜

三年喪畢宣公神主新入廟故謂之新宮書三日哭善得禮宗廟親之神靈所馮居而遇災故哀而

哭之 宮公之宮也 以無新宮知 曷為謂之新宮 春秋

不忍言也 親之精神所依而災孝子隱痛不忍正言也謂之新宮者因新入宮易其西北

角示昭穆相繼 其言三日哭何 據桓僖宮災代有斷改更也 不言三日哭廟災

三日哭禮也 善得禮痛傷鬼神無所依歸故君臣素縞哭之 新宮 公羊傳

者禰宮也三日哭哀也其哀禮也

宮廟親之精神所馮居而遇災

故以哀迫近不敢稱謚恭也

迫近言親禰也桓僖遠祖則稱謚其

辭恭且哀以成公為無譏矣

穀梁傳

哀公三年司

鐸火

司鐸宮名

火踰公宮桓僖災

桓公僖公廟

救火者皆曰

顧府

言常人愛財

南宮敬叔至命周人出御書俟于宮

敬叔孔子弟子南宮閔周人司周書典籍之官御書進于君者也使待命于宮

曰庀女而

不在死也

庀具

子服景伯至命宰人出禮書

景伯子服何也

宰人冢以待命命不共有常刑之屬

待求

校人乘馬巾

車脂轄

校人掌馬巾車掌車乘馬使四四相從為駕之易

百官官備府庫

慎守官人肅給

國有火災恐有變難故慎為備

濟濡帷幕鬱攸從

之

鬱攸火氣也濡物于水出用為濟

蒙茸公屋

以濡物冒覆公屋

自大廟

始外內以悛

悛次也先尊後卑以次救之

助所不給有不用命

則有常刑無赦公父文伯至命校人駕乘車

乘車公車

季桓子至御公立于象魏之外

象魏門闕

命救火者傷

人則止財可為也命藏象魏

周禮正月縣教令之法于象魏使萬民觀

之故謂其書為象魏

曰舊章不可亡也富父槐至曰無備而

官辦者猶拾瀋也

槐富父終生之後瀋汁也言不備而責辦不可得

於是

乎去表之橐

表火道風所向者去其橐積

道還公宮

開除道周市公宮使

大無相連

宋災樂喜為司城以為政

樂喜子罕也為正卿知將有大

災素戒為

使伯氏司里

伯氏宋大夫司里里宰

火所未至徹

小屋塗大屋

大屋難徹就塗之

陳畚揭具綆缶

畚簣籠揭土輦綆汲

索缶汲器備水器

盆鑿之屬

量輕重

計人力所在

蓄水潦積土塗

巡丈城繕守備

巡行也丈度也繕治也行表火道度守備之處恐因災有亂

火起則從其所趨標表之

使華臣具正徒

華臣華元子為司徒正徒役徒也司徒之

所主令隧正納郊保奔火所隧正官名也五縣為

民使隨火所起往救之使華閱討右官官庀其司亦華元子代元為右

師討治也庀具也使其官屬向戌討左亦如之左師使樂端庀

刑器亦如之樂端司寇刑器刑書使皇鄭命校正出馬工正

出車備甲兵庀武守皇鄭皇父充石之後校正主馬工正主車使各備其官

使西鉏吾庀府守鉏吾大宰也令司宮巷伯徹宮府六官之典

司宮奄臣巷伯寺人皆掌宮內之事二師令四鄉正敬享二師左右師也鄉正

鄉大夫祝宗用馬于四墉祀盤庚于西門之外大祝

祝宗宗人壙城也用馬祭于四城以禳火盤庚殷
王宋之遠祖城積陰之氣故祀之凡天災有幣無
牲用馬祀盤庚皆
非禮 襄九年 昭公十八年五月壬午宋衛

陳鄭災火作子產辭晉公子公孫于東門

晉人新來未入

故辭不使司寇出新客

新來聘者

禁舊客勿出于宮

其為

知國情不使子寬子上巡羣屏攝至于大宮

二子鄭大

夫屏攝祭祀之位大宮鄭祖使公孫登徙大龜

登開

卜大使祝史徙主祔于周廟告于先君

祔廟主石函周廟厲

王廟也有火災故合使府人庫人各敬其事

傲備火也

商成公敝司宮

商成公鄭大夫司宮巷伯寺人之官

出舊宮人寘諸

火所不及

舊宮人先公宮女

司馬司寇列居大道

備非常也行

火所燬

燬炙也

城下之人伍列登城

為部伍登城備姦也

明日

使野司寇各保其徵

野司寇縣士也火之明日四方乃聞災故戒保所徵役之

人郊人助祝史除于國北

為祭處于國北者就太陰禳火禳火于

玄冥回祿

玄冥水神回祿火神

祈于四墉

墉城也城積土陰氣所聚故祈祭之

以禳火之餘災

書焚室而寬其征與之材

征賦稅也

三日哭國

不市

示憂戚不市

使行人告于諸侯宋衛皆如是陳不

救火許不弔災君子是以知陳許之先亡也

不義所以

亡七月鄭子產為火故大為社

為治也

祓禳于四方

振除火災禮也

振棄也並左氏傳

襄公三十年五月宋

災冬十月晉人齊人宋人衛人鄭人曹人莒人邾

人滕人薛人杞人小邾人會于澶淵宋災故

會未有言

其事者此言宋災故以惡宋人不克已自責而出會求財春秋為宋災故諸侯

之大夫會以謀歸宋財既而無歸于宋故不書其

人

左氏傳

莊公十一年秋宋大水公使弔焉曰天

作淫雨害于梁盛若之何不弔

不為天所慰弔

對曰孤實

不敏天降之災又以為君憂拜命之辱

謝辱厚命

臧文

仲曰宋其興乎禹湯罪己其興也悖焉

悖盛貌

桀紂

罪人其亡也忽焉

忽速貌

且列國有凶稱孤禮也

列國

諸侯無凶則常稱寡人

言懼而名禮其庶乎

言懼罪已名禮稱孤其庶幾于

興既而聞之曰公子御說之辭也

宋莊公

臧孫達曰

是宜為君有恤民之心

左氏傳

廋焚孔子拜鄉人

為火來者

拜謝之

拜之士壹大夫再亦相弔之道也

言拜之者為其來弔已宗伯職曰以弔禮哀禍災
雜記家語云孔子為大司寇國廩焚子退朝

而之火所鄉人有自為火來者則拜之士一大夫
再子貢曰敢問何也孔子曰其來者亦相弔之道

吾為有司
故拜之

小祝有寇戎之事則保郊祀于社故書祀或作禋鄭司農云謂保守郊祭諸

祀及社無令寇侵犯之杜子春讀禋為祀書亦或
為祀玄謂保祀互文郊社皆守而祀之彌裁兵都

宗人若有寇戎之事則保羣神之壇守山川丘陵墳衍之壇域大

宗伯以凶禮哀邦國之憂以禴禮哀圍敗同盟者合會財貨以更其

所喪春秋襄三十年冬會以恤禮哀寇亂恤憂也鄰國相憂兵作于

于澶淵宋災故是其類

外為寇作于內
為亂 並春官

大行人致禮以補諸侯之裁

注見上章

小行人若國有師役則令槁檜之

故書槁為橐鄭司農云橐當為槁謂槁師

也玄謂師役者國有兵寇以匱病者也使鄰國合會財貨以與之春秋定五年夏歸粟于蔡是也宗伯職曰以

禮禮合圓貶

並秋官

右兵寇

狄人滅衛衛立戴公以廬于曹

廬舍也曹衛下

邑戴公名申立其年卒而立文公

齊侯使公子無虧帥車三百乘

甲士三千人以戍曹

無虧齊桓公子武孟也車甲之賦異于常故傳別見之

歸公乘馬祭服五稱牛羊豕雞狗皆三百與門材

歸遺也四馬曰乘衣罩複歸夫人魚軒魚軒夫人具曰稱門材使先立門戶

為重錦三十兩重錦錦之熟細者以二丈雙行故曰兩三十兩三十疋也閔二年

左氏昭公六年冬叔弓如楚聘且弔敗也弔為吳所

敗定公五年夏歸粟于蔡蔡為楚所圍饑以周乏故魯歸之粟

亟矜無資亟急也哀公二十年越圍吳趙孟降于

喪食趙孟襄子無恤時有父簡子之喪楚隆曰三年之喪親暱之

極也主又降之無乃有故乎楚隆襄子家臣趙孟曰黃池

之役先主與吳王有質黃池在十三年先主簡子質盟信也曰好惡

同之今越圍吳嗣子不廢舊業而敵之嗣子襄子自謂欲敵

越救吳非晉之所能及也吾是以為降並左氏傳

國亡大縣邑公卿大夫士皆厭冠哭于大廟三日君不

舉冠軍敗失地以喪歸也厭冠今喪冠其服未聞

或曰君舉而哭于后土后土社也

弓檀國君去其國止之曰柰何去社稷也大夫曰柰

何去宗廟也士曰柰何去墳墓也皆民臣殷勤之言國君死社

稷死其所受于天子也謂見侵伐也春秋傳曰國滅君死之正也大夫死衆士死制其

所受于君衆謂君師制謂國有患君死社稷謂之義君教令所使為之曲禮

大夫死宗廟謂之變

變當為辯聲之誤也辯猶正也君守社稷臣衛君宗廟者患謂見圖

入禮運

右亡邑失國

鄰國國滅君出奔附見于下

楚人滅江秦伯為

之降服出次不舉過數

降服素服也出次辟正寢不舉去盛饌鄰國之有禮

數今秦伯過之

大夫諫公曰同盟滅雖不能救敢不矜乎

吾自懼也

秦江同盟不告故不書文四年左氏傳

衛侯出奔齊公

使厚成叔弔于衛曰寡君使瘠聞君不撫社稷而

越在他竟

越遠也瘠厚成叔名

若之何不弔以同盟之故使

瘠敢私于執事

執事衛諸大夫

曰有君不弔

弔恤也

有臣不

敏

敏達也

君不赦宥臣亦不帥職增淫發洩其若之

何衛人使大叔儀

大叔儀衛大夫

對曰羣臣不佞得罪于

寡君寡君不以即刑而悼棄之以為君憂君不忘

先君之好辱弔羣臣又重恤之

重恤謂慰其不達也

敢拜君

命之辱重拜大貺

謝重恤之賜十四年左氏傳

襄

盜殺衛侯

之兄縶公如死鳥

死鳥衛地

齊侯使公孫青聘于衛遂

從諸死鳥請將事辭曰亡人不佞失守社稷越在

草莽吾子無所辱君命賓曰寡君命下臣于朝曰

阿下執事

阿比也命已使比衛臣下

臣不敢貳

貳違命也

主人曰君

若惠顧先君之好照臨敝邑鎮撫其社稷則有宗

祧在

言受聘當在宗廟也

乃止

止不行聘事

衛侯固請見之

欲與青相

見不獲命以其良馬見

以為相見之禮

為未致使故也

未致

使故不敢以客禮見

賓將擗

擗行夜

主人辭曰亡人之憂不可

以及吾子草莽之中不足以辱從者敢辭賓曰寡

君之下臣君之牧圉也若不獲扞外役是不有寡

君也

有相親有

臣懼不免于戾請以除死親執鐸終夕

與於燎

設火燎以備守昭二十年左氏傳

昭公走之齊齊侯唁

公子野井

弔亡國曰唁弔死國曰弔弔喪主曰傷弔所執紼曰纒

曰柰何去

魯國之社稷昭公曰喪人

自謂亡人

不佞善不失守魯國

之社稷執事以羞

謙自比齊下執事言以羞及君

再拜顙顙顙者猶今叩頭

矣謝見唁也

高子執簞食

簞簞器也圓曰簞方曰筥食即下所致糗也

與四

脰脯

屈曰脰申曰脰

國子執壺漿

壺禮器腹方口圓曰壺反之曰方壺有爵飾

曰吾寡君聞君在外餽饗未就

餽熟食饗熟肉未就未成也解所以

致糗糗，餼也。謙不敢斥。昭公曰君

意敢致糗于從者魯侯故言從者。昭公曰君

不忘先君延及喪人錫之以大禮再拜稽首以祔

受祔，衣下裳當前者。高子曰有夫不祥猶曰人皆

君無所辱大禮禮臣受君錫答拜謂之辱高子見

昭公蓋祭而不嘗昭公拜辱大畢故曰君無辱大禮

公曰寡人有不腆先君之服未之敢服腆，厚也。服

著衣服也言未敢服者見魯侯乃敢服之謙辭也

禮天子朝皮弁夕玄端朝服以聽朝玄端以燕皮

弁以征不義取禽獸行射諸侯朝朝服夕深衣玄

端以燕裨冕以朝天子以祭其祖禰卿大夫冕服

而助君祭朝服祭其祖禰士爵弁黻
衣裳以助公祭玄端以祭其祖禰
有不腆先君

之器

器謂上所執簞壺

未之敢用敢以請

請行禮

昭公曰喪

人不佞失守魯國之社稷執事以羞敢辱大禮敢

辭

不敢當大禮故敢辭

景公曰寡人有不腆先君之服未之

敢服有不腆先君之器未之敢用敢固以請昭公

曰以吾宗廟之在魯也

以我守宗廟在魯時

有先君之服未

之能以服有先君之器未之能以出敢固辭

已有時未

能以事人今已無有義不可以受人之禮
景公曰寡人有不腆先君之

服未之敢服有不腆先君之器未之敢用請以饗

乎從者

益欲令受之故
謙言從者

昭公曰喪人其何稱

行禮賓主當各

有所稱

時齊侯以諸侯遇禮接昭公昭公自謙失國不敢以故稱自稱故執謙問之

景公曰

孰君而

無稱

猶曰誰為君者而豈無所稱乎昭公非君乎

昭公於是噉

然而哭

噉然哭聲貌感諸大夫皆哭

魯諸大夫既景公言而自傷

哭以人為

菑

菑周埒坦也所以分別內外以辟為衛威儀今大學辟雍作側字

席

辟車覆苓

以鞶為几以遇禮相見

以諸侯出相孔子遇之禮相見

曰其禮與其辭足觀矣

言昭公素能如此禍不至是昭二十五年公羊傳

大史典禮執簡記奉諱惡

簡記策書也諱先王名惡忌日若子卯王制

諸

侯子卯稷食菜羹

忌日貶也玉藻

子卯不樂

紂以甲子死桀以乙卯死

王者謂之疾日不以舉樂為吉事所以自戒懼

禮弓辰在子卯謂之疾日

惡疾

也紂以甲子喪桀以乙卯亡故國君以為忌日君徹宴樂學人舍業為疾故也

昭九年左氏傳

朝夕哭不辟子卯

子卯桀紂亡日凶事不辟吉事闕焉士喪禮

右子卯 莊公二十有二年春王正月肆大省肆

者何跌也

跌過度

大省者何災省也

謂子卯日也夏以卯日亡殷以

子曰亡先王常以此日省吉事不忍舉又大自省勅得無獨有此行乎常若聞災自省故曰災省也

肆大省何以書譏何譏爾譏始忌省也

時魯有夫人喪忌省

日不哭省日本以忌吉事不以忌凶事故禮哭不辟子外所以專孝子之思也不與念母而譏忌省者本不事母則已不當忌省

公羊傳

禮書綱目卷三十三

欽定四庫全書

禮書綱目卷三十四

婺源江永撰

祭法

吉禮一

補

祭法有虞氏禘黃帝而郊嚳祖顓頊而宗堯夏后氏亦禘黃帝而郊鯀祖顓頊而宗禹殷人禘嚳而郊冥祖契

而宗湯周人禘嚳而郊稷祖文王而宗武王

禘郊祖宗謂祭祀以

配食也此禘謂祭昊天於圜丘也祭上帝於南郊曰郊祭五帝五神於明堂曰祖宗祖宗通言爾下有禘郊祖

宗孝經曰宗祀文王於明堂以配上帝明堂月令春曰其帝太昊其神句芒夏曰其帝炎帝其神祝融中央曰其帝黃帝其神后土秋曰其帝少昊其神蓐收冬曰其帝顓頊其神玄冥有虞氏以上尚德禘郊祖宗配用有德者而已自夏以下稍用其姓代之先後之次有虞氏夏后氏宜郊顓頊殷人宜郊契郊祭一帝而明堂祭五帝小德配寡大德配衆亦禮之殺也燔柴於泰壇祭天也瘞埋於泰折祭

地也用騂犢

壇折封土為祭處也壇之言坦也坦明貌也折照晷也必為昭明之名尊神也地陰

祀用黝牲與天俱用犢連言爾

埋少牢於泰昭祭時也相近於坎壇祭

寒暑也王宮祭日也夜明祭月也幽宗祭星也雩宗祭水旱也四坎壇祭四方也山林川谷丘陵能出雲為風

雨見怪物皆曰神有天下者祭百神諸侯在其地則祭

之亡其地則不祭

昭明也亦謂壇也時四時也亦謂陰陽之神也埋之者陰陽出入於地中

也凡此以下皆祭用少牢相近當為禋祈聲之誤也禋猶卻也祈求也寒暑不時則或禋之或祈之寒於坎暑於壇王宮曰壇王君也日稱君宮壇營域也夜明亦謂月壇也宗皆當為禋字之誤也幽禋亦為星壇也星以昏始見禋之言禋也雩禋亦為水旱壇也雩之言吁嗟也春秋傳曰日月星辰之神則雪霜風雨之不時于是乎禋之山川之神則水旱厲疫之不時于是乎禋之山林川谷丘陵之神也祭山林丘陵於壇川谷於坎每方各為坎為壇怪物雲氣非常見者也有天下謂天子也百者假成數也

大凡生於天

地之間者皆曰命其萬物死皆曰折人死曰鬼此五代

之所不變也

生時形體異可同名至死腐為野土異其名嫌同也折棄敗之言也鬼之言歸也五

代謂黃帝堯舜禹湯周之禮樂所存法也

七代之所更立者禘郊宗祖其餘

不變也

七代通數顓頊及嚳也所不變者則數其法而已變之則通數所不法為記者之微意也少昊

氏脩黃帝之書後王無所取焉祭法

大宗伯之職掌建邦之天神人

鬼地示之禮以佐王建保邦國

建立也立天神地祇人鬼之禮者謂祀之祭之

享之禮吉禮是也保安也所以佐王立安邦國者主謂凶禮賓禮軍禮嘉禮也目吉禮于上承以立安邦國者

互以相成明尊鬼神重人事

以吉禮事邦國之鬼神示

事謂祀之祭之享之故書

吉或為告杜子春云書為告禮者非是當為吉禮書亦多為吉禮吉禮之別十有二

以禋祀祀昊

天上帝以實柴祀日月星辰以楨燎祀司中司命觀師

雨師

種之言煙周人尚臭煙氣之臭聞者楨積也詩曰芄芃楨樸薪之楨之三祀皆積柴實牲體焉或有

玉帛燔燎而升煙所以報陽也鄭司農云昊天天上也上帝主天也昊天上帝樂以雲門實柴實牛柴上也故書實柴或為賓柴司中三能三階也司命文昌宮星風師箕也雨師畢也玄謂昊天上帝冬至於圜丘所祀天皇大帝星謂五緯辰謂日月所會十二次司中司命即文昌第五第四星或曰中能上能也祀五帝亦用實柴之

禮云以血祭祭社稷五祀五嶽以貍沈祭山林川澤以醢

辜祭四方百物

不言祭地此皆地祇祭地可知也陰祀自血起貴氣臭也社稷土穀之神有德

者配食焉共工氏之子曰句龍食於社有厲山氏之子曰柱食於稷湯遷之而祀棄故書祀作禋臨為罷鄭司

農云禋當為祀書亦或作祀五祀五色之帝於王者宮中曰五祀罷辜披磔牲以祭若今時磔狗祭以止風玄謂此五祀者五官之神在四郊四時迎五行之氣於四郊而祭五德之帝亦食此神焉少昊氏之子曰重為句芒食於木該為蓐收食於金脩及熙為玄冥食於水顓頊氏之子曰犁為祝融后土食於火土五嶽東曰岱宗南曰衡山西曰華山北曰恒山中曰嵩高山不見四竇者四竇五嶽之匹或省文祭山林曰狸川澤曰沈順其性之含藏醢醢牲胃也醢而磔之謂磔攘及蜡祭郊特牲曰八蜡以祀四方四年不順成八蜡不通以謹民財也又曰蜡之祭也主先嗇而祭司嗇也祭百種以報嗇也饗農及郵表畷禽獸仁之至義之盡也以肆獻裸享先王以饋食享先王以祠春享先王以禴夏享先王以嘗秋享先王以烝冬享先王

宗廟之祭有此六享肆獻裸饋食在

四時之上則是禘也禘也肆者進所解牲體謂薦孰時也獻獻醴謂薦血腥也裸之言灌灌以鬱鬯謂始獻尸求神時也郊特牲曰魂氣歸於天形魄歸於地故祭所以求諸陰陽之義也殷人先求諸陽周人先求諸陰灌是也祭必先灌乃後薦腥薦孰於禘逆言之者與下共文明六享俱然禘言肆獻裸禘言饋食者著有黍稷互相備也魯禮三年喪畢而禘於太祖明年春禘於羣廟自爾以後五年而再殷祭一禘一禘春官天

子祭天地祭四方祭山川祭五祀歲徧諸侯方祀祭山

川祭五祀歲徧大夫祭五祀歲徧士祭其先祭四方謂

神於四郊也句芒在東祝融后土在南蓐收在西玄冥在北詩云來方禋祀方祀者各祭其方之官而已五祀戶竈中雷門行也此蓋殷時制也祭法曰天子立七祀諸侯立五祀大夫立三祀士立二祀謂周制也曲禮

天子祭天地諸侯祭社稷大夫祭五祀

五祀謂司命中雷也門

也行也屬也此祭謂大夫有地者其無地祭三耳

天子祭天下名山大川五嶽

視三公四瀆視諸侯

視視其牲器之數

諸侯祭名山大川之在

其地者

魯人祭泰山晉人祭河是也

天子諸侯祭因國之在其地而

無主後者

謂所因之國先王先公有功德宜享世祀今絕無後為之祭主者昔夏后氏郊鯀至杞為

夏後而更郊禹晉侯夢黃熊入國而祀夏郊此其禮也

王制

禮不王不禘王者禘

其祖之所自出以其祖配之諸侯及其大祖大夫士有

大事省于其君于祫及其高祖

大傳詳見天子諸侯廟享篇

天下

有王分地建國置都立邑設廟祧壇墀而祭之乃為親
疏多少之數是故王立七廟一壇一墀曰考廟曰王考
廟曰皇考廟曰顯考廟曰祖考廟皆月祭之遠廟為祧
有二祧享嘗乃止去祧為壇去壇為墀壇墀有禱焉祭
之無禱乃止去墀曰鬼諸侯立五廟一壇二墀曰考廟
曰王考廟曰皇考廟皆月祭之顯考廟祖考廟享嘗乃
止去祖為壇去壇為墀壇墀有禱焉祭之無禱乃止去
墀為鬼大夫立三廟二壇曰考廟曰王考廟曰皇考廟

享嘗乃止顯考祖考無廟有禱焉為壇祭之去壇為鬼
適士二廟一壇曰考廟曰王考廟享嘗乃止顯考無廟
有禱焉為壇祭之去壇為鬼官師一廟曰考廟王考無
廟而祭之去王考為鬼庶士庶人無廟死曰鬼

祭法詳見宗廟

篇

天子七廟三昭三穆與太祖之廟而七諸侯五廟

二昭二穆與太祖之廟而五大夫三廟一昭一穆與大

祖之廟而三士一廟庶人祭於寢

王制詳見宗廟篇

天子植

杙祫禘祫嘗祫烝諸侯杙則不禘禘則不嘗嘗則不烝

烝則不禘諸侯禘禘禘一禘一祫嘗祫烝祫

王制詳見廟享篇

武王末受命周公成文武之德追王大王王季上祀

先公以天子之禮斯禮也達乎諸侯大夫及士庶人父

為大夫子為士葬以大夫祭以士父為士子為大夫葬

以士祭以大夫

末猶老也追王大王王季者以王迹起焉先公組紺以上至后稷也斯禮達于

諸侯大夫士庶人者謂葬之從死者之爵祭之用生者之祿也

中庸

父為士子為天

子諸侯則祭以天子諸侯其尸服以士服

祭以天子諸侯養以子道

也尸服士服父本無爵子不敢以已爵加之嫌於卑之

父為天子諸侯子為士祭

以士其尸服以士服

謂父以罪誅尸服以士服不成為君也天子之子當封為王者後以

祀其受命之祖云為士則擇其宗之賢者若微子者不
必封其子為王者後及所立為諸侯者祀其先君以禮
卒者尸服天子諸侯之服如遂無所封立則尸也
祭也皆如士不敢僭用尊者衣物喪服小記

天子達於庶人喪從死者祭從生者支子不祭

從死者謂衣衾

棺槨從生者謂奠祭之牲器

王制

支子不祭祭必告於宗子

不敢自專謂宗

子有故支子當攝而祭者也五宗皆然

曲禮

庶子不祭祖

小兒詳見祭義

庶子

不祭禩

同上

庶子不祭殤與無後者殤與無後者從祖

祔食

不祭殤者父之庶也不祭無後者祖之庶也此二者當從祖祔食而已不祭祖無所食之也共其牲

物而宗子主其禮焉祖庶之殤則自祭之凡所祭殤者惟適子耳無後者謂昆弟諸父也宗子之諸父無後者

為禋祭之

小記

若富則具二牲獻其賢者於宗子

賢猶善也

夫

婦皆齊而宗敬焉

當助祭於宗子之家

終事而后敢私祭

祭其祖稱內

則

曾子問曰宗子為士庶子為大夫其祭也如之何

孔子曰以上牲祭於宗子之家

貴祿重宗也上牲大夫少牢

祝曰孝

子某為介子某薦其常事

介副也不言庶使若可以為然

若宗子有罪

居於他國庶子為大夫其祭也祝曰孝子某使介子某

執其常事

此之謂宗子攝大夫

攝主不厭祭不旅不假不綏祭不

配皆辟正主厭厭飫神也厭有陰有陽迎尸之前祝酌奠奠之且饗是陰厭也尸設之後徹薦俎敦設於西北隅是陽厭也此不厭者不陽厭也不旅不旅酬也假讀為嘏不嘏不嘏主人也不綏祭謂今主人也綏周禮作墮不配者祝辭不言以某妃配某氏布奠於賓賓奠而不舉布奠謂主

解於薦北賓奠謂取解奠於薦南也此酬之始也奠之不舉止旅

不歸肉

且俎也詣與祭者留之共

燕其辭於賓曰宗兄宗弟宗子在他國使某辭

辭猶告也宿賓

之辭與宗子為列則曰宗兄若宗弟昭穆異者曰宗子而已其辭若云宗兄某在他國使某執其常事使某告

子問

曾子問曰宗子去在他國庶子無爵而居者可

以祭乎孔子曰祭哉

有子孫存不可以乏先祖之祀

請問其祭如之何

孔子曰望墓而為壇以時祭

不祭於廟無爵者賤遠辟正主

若宗子死

告於墓而後祭於家

言祭於家容無廟也

宗子死稱名不言孝

孝宗

子之稱不敢與之同其辭但言子某薦其常事

身沒而已

至子可以稱孝

子游之徒有

庶子祭者以此

此禮祭也用也

若義也

若順

今之祭者不首其

義故誣於祭也

首本也誣猶妄也同上

王下祭殤五適子適孫

適曾孫適玄孫適來孫諸侯下祭三大夫下祭二適士

及庶人祭子而止

祭適殤者重適也祭適殤於廟之與謂之陰厭王子公子祭其適殤於其

黨之廟大夫以下庶子祭其適殤於宗子之家皆當室之白謂之陽厭凡庶殤不祭祭法

孔子

曰有陰厭有陽厭

言祭殤之禮有於陰厭之者有於陽厭之者

曾子問曰殤

不附祭何謂陰厭陽厭

附當為備聲之誤也言殤乃不成人祭之不備禮而云陰厭陽

厭乎此失孔子指也祭成人始設奠於與迎尸之前謂之陰厭尸謾之後改饌於西北隅謂之陽厭殤則不備

孔子曰宗子為殤而死庶子弗為後也

族人以其倫代之明不序昭穆

立之廟其祭之就其祖而已代之者主其禮

其言祭特牲

尊宗子從成人也凡殤則特豚自卒

哭成事之後為吉祭

祭殤不舉無所俎無玄酒不告利成

此其無尸及所

降也其他如成人舉肺脊所俎利成禮之施於尸者

是謂陰厭

是宗子而殤祭之於與之禮小宗為

殤其祭禮亦如之

凡殤與無後者祭於宗子之家當室之白尊

於東房是謂陽厭

凡殤謂庶子之適也或昆弟之子或從父昆弟無後者如有昆弟及諸父

此則今死者皆宗子大功之內親共祖禰者言祭於宗子之家者為有異居之道也無廟者為禫祭之親者共其牲物宗子皆主其禮當室之白尊於東房異於宗子之為殤當室之白謂西北隅得戶明者也明者曰陽凡祖廟在小宗之家小宗祭之亦然宗子之適亦為凡殤過此以往則不祭也祭適者天子下祭五諸侯下祭三大夫下祭二士以下祭子而止曾子問慈母與妾母不世祭也

以其非正春秋

傳曰於子祭於孫止小記

王為羣姓立社曰大社王自為立社

曰王社諸侯為百姓立社曰國社諸侯自為立社曰侯

社大夫以下成羣立社曰置社

詳見地示篇

王為羣姓立

七祀曰司命曰中雷曰國門曰國行曰泰厲曰戶曰竈
王自為立七祀諸侯為國立五祀曰司命曰中雷曰國
門曰國行曰公厲諸侯自為立五祀大夫立三祀曰族
厲曰門曰行適士立二祀曰門曰行庶士庶人立一祀
或立戶或立竈同上夫聖王之制祭祀也法施於民則
祀之以死勤事則祀之以勞定國則祀之能禦大災則
祀之能捍大患則祀之是故厲山氏之有天下也其子
曰農能殖百穀夏之衰也周棄繼之故祀以為稷共工

氏之霸九州也其子曰后土能平九州故祀以為社帝
嚳能序星辰以著衆堯能賞均刑法以義終舜勤衆事
而野死鯀障鴻水而殛死禹能脩鯀之功黃帝正名百
物以明民共財顓頊能脩之契為司徒而民成冥勤其
官而水死湯以寬治民而除其虐文王以文治武王以
武功去民之菑此皆有功烈於民者也及夫日月星辰
民所瞻仰也山陵川谷丘陵民所取財用也非此族也
不在祀典

春秋傳曰封為上公祀為大神厲山氏炎帝也起於厲山或曰有烈山氏棄后稷名也共

工氏無錄而王謂之霸在大昊炎帝之間者衆謂使民
興事知休作之期也賞賞善謂禪舜封禹稷等也能刑
謂去四凶義終於既禪二十八載乃死也野死謂征有
苗死於蒼梧也殛死謂不能成其功也明民謂使之衣
服有章也民成謂知五教之禮也冥契六世之孫也其
官玄冥水官也虐菑謂桀紂也烈業也族猶類也祀典

謂祭祀也

祭法

凡祭有其廢之莫敢舉也有其舉之莫敢

廢也

為其瀆神也廢舉謂若殷廢農祀棄後不
可復廢棄祀農也後有德者繼之不嫌也

非其所

祭而祭之名曰淫祀淫祀無福

妄祭神不
饗曲禮

海鳥曰爰居止於魯東門之外二日

爰居禚縣也
東門城東門

也臧文仲使國人祭之

文仲不知
以為神也

展禽曰越哉臧

孫之為政也

越迂也言其迂濶不知政要

夫祀國之大節也

節制

也

而節政之所成也

言節所成政

故慎制祀以為國典

典法也

今無故而加典非政之宜也

加益也謂以祭為益國法也

夫聖人之制祀也法施於民則祀之

謂五帝殷契周文也以

死勤事則祀之

殷實水死周棄山死是也

以勞定國則祀之

虞幕

夏杼殷上甲微周高圉大王也

能禦大災則祀之

夏禹是也能扞大患

則祀之

殷湯周武是也

非是族也不在祀典

族類也

昔烈山

氏之有天下也

烈山氏炎帝之號也起於烈山祭法以烈山為厲山

其子曰

柱能殖百穀百蔬

柱為后稷自夏以上祀之草實曰蔬

夏之興也周

棄繼之故祀以為稷

夏之興謂禹也棄能繼柱之功自商以來祀之

共工

氏之伯九有也

共工氏伯者在戲農之間有域也

其子曰后土能

平九土

其子共工之裔子勾龍佐黃帝為土官九土九州之土也后君也使君土官故曰后

土故祀以為社

社后土之神也

黃帝能成命百物以明民

共財

黃帝少典之裔子帝軒轅也命名也

顓頊能修之

顓頊黃帝之孫昌意之子

帝高陽也能修黃帝之功

帝嚳能序三辰以固民

固安也帝嚳黃帝之曾孫

玄囂之孫蟠極之子帝高辛也三辰日月星也謂能次序三辰以治歷明時教民稼穡以安之

堯

能單均刑法以儀民

堯帝譽之庶子陶唐氏放勳也單盡也均平也儀善也

舜勤民事而野死

舜顓頊之後六世有虞帝重華也野死謂征有苗死於蒼梧之

野

鯀障洪水而殛死

殛誅也鯀顓頊之後禹之父也堯使治水障防百川績用

不成堯用殛之於羽山禹為天子而郊之取其勤事而死

禹能以德修鯀之功

鯀功雖不成禹亦有所以因故曰修鯀之功

契為司徒而民輯

契殷之祖為堯司徒

能敬敷五教輯和也

冥勤其官而水死

冥契後六世孫根圉之子也為夏水官勤

於其職而死於水

湯以寬治民而除其邪

湯冥後九世主癸之子為夏諸

侯以寬得民除其邪謂放桀紂大患也

稷勤百穀而山死

稷周棄也勤播百穀

死於黑水之山毛詩傳云

文王以文昭

文王演易又有文德周語曰文王質文

武

王去民之穢

穢謂紂也

故有虞氏禘黃帝而祖顓頊郊

堯而宗舜

賈侍中云有虞氏舜後在夏殷為二主後故有禘郊宗祖之禮也昭謂此上四

者謂祭天

以配饗也祭昊天於圜丘曰禘祭五帝

於明堂曰祖宗祭上帝於南郊曰郊有虞氏出自

黃帝顓頊之後故禘黃帝而祖顓頊舜受禪於堯

故郊堯禮祭法有虞氏郊嚳而宗堯與此異者舜

在時則宗堯舜崩

夏后氏禘黃帝而祖顓頊郊鯀

而子孫宗舜郊堯

夏后氏禘黃帝而祖顓頊郊鯀

而宗禹

虞夏俱黃帝顓頊之後也故禘祖之禮同虞以上上德夏以下親親故夏郊鯀也

商人禘舜而祖契郊冥而宗湯

舜當為嚳字之誤也禮祭法曰商人

禘嘗饗契父商之先故禘之
鄭後司農云商人宜郊契也
周人禘嘗而郊稷

之父稷周
始祖也
祖文王而宗武王
此與孝經異者商家祖契周公初時亦祖

后稷而宗文王至武王雖承文王之業有伐紂定天下之功其廟不可以毀故先推后稷以配天而

後更祖文王
幕能帥顓頊者也有虞氏報焉
幕舜之

虞思也為夏諸侯帥循也顓頊有虞氏之祖也報報德之祭也
杼能帥禹者也夏

后氏報焉
杼禹後七世少康之子季杼也能興夏道者
上甲微能帥契

者也商人報焉
上甲微契後八世湯之先也
高圉大王能帥稷

者也周人報焉
高圉后稷後十世公非之子也大王高圉之曾孫古公亶父也
凡

禘郊宗祖報此五者國之典祀也

典法也

加之以社

稷山川之神皆有功烈於民者也及前哲令德之

人所以為明質也

質信也以其有德於民而祭之所以信之於民心

及天

之三辰民所以瞻仰也及地之五行所以生殖也

殖長也五行五祀金木水火土

及九州名山川澤所以出財用也

非是不在祀典今海鳥至已不知而祀之以為國

典難以為仁且智矣夫仁者講功

講論也仁者心平故可論功也

而知者處物

處名也

無功而祀之非仁也

言鳥無功

不知

而不問非知也今茲海其有灾乎夫廣川之鳥獸

恒知而避其灾也是歲也海多大風冬煥爚居之所避也

文仲聞柳下季之言柳下展禽之邑季字也曰信吾過也季

子之言不可不法也使書以為三筴英簡書也三英三卿卿一

通謂司馬司徒司空也國語魯語 衛遷於帝丘衛成公夢康叔

曰相奪予享相夏后啟之孫居帝丘享祭也公命祀相甯武子不

可曰鬼神非其族類不歆其祀歆猶饗也杞鄫何事言杞

鄫夏後自當祀相相之不享於此久矣非衛之罪也言帝丘久

不祀相非
衛所絕

不可以間成王周公之命祀

諸侯受命
各有常祀

請改祀命

改祀相之命
三十一
年左氏傳

九月考仲子之宮

考者成之也成之為夫人也

立其廟世祭之
成夫人之禮

禮庶

子為君為其母築宮使公子主其祭也

公當奉宗
廟故不得

自主也公子者長
子之弟及妾之子

於子祭於孫止

貴賤
之序

仲子者惠

公之母隱孫而脩之非隱也

非責也
五年穀梁傳

禮書綱目卷三十四

欽定四庫全書

禮書綱目卷三十五

婺源江永撰

天神

吉禮二

補

天子祭天地歲徧

曲禮言一歲祭天此條通

大宗伯以禋祀祀

昊天上帝

禋之言煙周人尚臭煙氣之臭聞者鄭司農云昊天上帝也上帝玄天也昊天上帝樂以雲

門玄謂昊天上帝冬至於圜丘所祀天皇大帝詳見祭法此條通言祀天禮

郊之祭迎

長至之日

詳見祭義然註說亦誤此條冬至祀天

郊之祭大報天而主

日配以月

主日者以其光明天之神可見者莫著焉 祭義 此條主日配月

有虞氏

郊饗夏后氏郊繇殷人郊寔周人郊稷

祭上帝於南郊曰郊有虞氏以

上尚德配用有德者自夏以下稍用其姓代之先後之次有虞氏夏后氏宜郊顓頊殷人宜郊契 詳見祭法

周公郊祀后稷以配天

后稷周之始祖郊謂圜丘祀天也周公攝政因行郊天之

祭乃尊始祖以配之也 孝經 此兩條郊祀以祖配

大宗伯以玉作六器以

禮天地四方

禮謂始告神時薦於神生書曰周公植璧秉圭是也

以蒼璧禮天

此禮

天以冬至謂天皇大帝在北極者也禮神者必象其類璧圓象天

牲幣放其器之色

幣

從爵若人飲酒有酬幣此條祀天玉幣 春官

季夏命四監大合百縣之

秩芻以養犧牲令民無不成出其力以共皇天上帝以

為民祈福

皇天北辰耀魄寶冬至所祭於圜丘也上帝大微五帝

詳見祭物 仲秋命

宰祝循行犧牲視全具案芻豢瞻肥瘠察物色必比類

量小大視長短皆中度五者備當上帝其饗

詳見祭物

祭

天特牲

禮器

郊特牲

牲孕祭帝弗用

犢者誠慤未有牝壯之情是以

小為貴也孕任子也詳見祭義

牲用騂用犢

尚赤者周也同上

帝牛不

吉以為稷牛

養牲必養二也

帝牛必在滌三月稷牛唯具

滌牢中所

搜除處也唯具遭時又選可用也詳見祭義

牧人凡陽祀用騂牲毛之

詳見

祭物

用騂犢

祭法

祭天地之牛角繭栗

王制

郊禘不過

繭栗

詳見祭義

禘郊之事則有全胄

全胄全其牲體而升之也凡禘郊皆血腥

也

國語周語

已上十二條犧牲

酒人以法共五齊三酒以實八尊

大祭三貳唯齊酒不貳

大祭者王服大裘袞冕所祭也詳見祭物

冪人

以疏布巾冪八尊

以疏布者天地之神尚質並天官

犧尊疏布冪

杓

鼎或作冪杓白理也禮器

皂人掌共冪皂而飾之

詳見祭物

天

子親耕粢盛冪皂以事上帝

疏曰粢小宰注云天地大神至尊不裸此祭上帝有

冪皂者凡皂有二若和之以鬱謂之鬱皂鬱人所掌是也祭宗廟而灌也若不和鬱謂之冪皂皂人所掌是也

謂五齊之酒以秬黍為之以芬芳調暢故言鬱鬱故得以事上帝表記

天子親春禘郊

之盛

帥后春之國語已上六條酒齊染盛

蒲越藁鞮之尚

蒲越藁鞮藉神席也

去實曰鞮禹貢三百里納鞮服

郊特牲禮器藁鞮之段註德

器用陶匏

詳見祭義

印盛于豆于豆于登其香始升上帝居歆胡臭亶時

曰木

豆无曰登豆薦菹醢也于登薦大羹也箋云祀天用瓦豆陶器質也大雅生民

鼎聖人亨

以享上帝

程傳鼎之為器極其用之大則聖人亨以享上帝聖人古之聖王也易已上四條器

具典瑞四圭有邸以祀天

鄭司農云於中央為璧圭著其四面一玉俱成爾雅

曰邸本也圭本著於璧故四圭有邸圭末四出故也或說四圭有邸有四角也邸讀為抵欺之抵上帝玄天玄

謂祀天夏正郊

玉人四圭尺有二寸以祀天

郊天所以禮其

神也典瑞職曰四圭有邸以祀天

旅上帝考工記此二條圭玉

司裘掌為大裘以

共王祀天之服

鄭司農云大裘黑羔裘服以祀天示質天官

司服王祀昊

天上帝則服大裘而冕

鄭司農云大裘黑羔裘也春官

天子大裘

以黼之

家語郊問詳見祭義

王被袞

謂有日月星辰之章

戴冕璪十有二

旒

天之數不過十二見祭義以上四條冕服

詳

中車玉路錫樊纓十有

再就建大常十有二旒以祀

詳見祭通禮出路章

大馭掌馭玉

路以祀

同上

乘素車旂十有二旒龍章而設日月

素車殷路

也設日月畫於旂
上詳見祭義

大路素

疏曰大路殷祭天之車也
禮器已上四條車旗

大司樂乃奏黃鍾歌大呂舞雲門以祀天神

以黃鍾
之鍾大

呂之聲為均者黃鍾陽聲之首大呂為之合奏之以祀
天神尊之也天神謂五帝及日月星辰也王者又各以
夏正月祀其所受命之帝於南郊尊之
也孝經說曰祭天南郊就陽位是也

凡樂圜鍾為宮

黃鍾為角大簇為徵姑洗為羽雷鼓雷鼗孤竹之管雲

和之琴瑟雲門之舞冬日至於地上之圜丘奏之若樂

六變則天神皆降可得而禮矣

本文此下有地示人鬼
二節此三者皆禘大

祭也天神則主北辰地祇則主崑崙人鬼則主后稷先
秦是樂以致其神禮之以玉而裸焉乃後合樂而祭之

大傳曰王者必禘其祖之所自出祭法曰周人禘嘗而郊稷謂此祭天圜丘以饗祀之圜鍾夾鍾也夾鍾生於房心之氣房心為大辰天帝之明堂以此為宮用聲類求之天宮夾鍾陰聲其相生從陽數其陽無射無射上生中呂中呂與地宮同位不用也中呂上生黃鍾黃鍾下生林鍾林鍾地宮又不用林鍾上生大簇大簇下生南呂南呂與無射同位又不用南呂上生姑洗鄭司農云雷鼓雷鼗皆謂六面有革可擊者也雲和地名也玄謂雷鼓雷鼗八面孤竹竹持生者雲和山名詳見樂制篇春官

鼓人以雷鼓鼓神

祀也
雷鼓八面鼓也神祀祀天神
地官此二條樂舞

大宰祀五帝則掌百

官之誓戒與其具脩

祀五帝謂四郊及明堂誓戒要之以重刑失禮也明堂位所謂各揚

其職百官廢職服大刑是其辭之畧也具所當共脩掃除糞洒

前期十日帥執事而卜

日遂戒

前期前所諏之日也十日容散齊七日致齊三日執事宗伯大卜之屬既卜又戒百官以始齊

及執事眡滌濯

執事初為祭事前祭日之夕滌濯謂溉祭器及甑甗之屬

及納亨贊

王牲事

納亨納牲將告殺謂鄉祭之晨既殺以授亨人凡大祭祀居親牽牲大夫贊之

及祀之

日贊玉幣爵之事

日旦明也玉幣所以禮神玉與幣各如其方之色爵所以獻齊酒不用玉

爵尚質也三者執以從王至而授之

祀大神示亦如之

大神祗謂天地天官

大

宗伯凡祀大神帥執事而卜日宿眡滌濯位玉鬯省牲

鑊奉玉盥詔大號治其大禮詔相王之大禮

執事諸有事於祭者

宿中戒也滌濯溉祭器也玉禮神之玉也始涖之祭又奉之鑊亨牲器也大號六號之大者以詔太祝以為祝

辭治猶簡習也豫簡習大禮至祭當以詔相王羣臣禮為小禮故書涖作立鄭司農讀為涖涖視也春官

郊用辛卜郊受命於祖廟作龜於禰宮受命謂告之退而卜

之日王立於澤親聽誓命澤澤宮也所以擇賢之宮也既卜必到澤宮擇可與祭祀

者因誓勅之以禮也禮記曰舉獻命庫門之內戒百官

大廟之命戒百姓王自澤宮而還以誓命重相申勅也庫門在雉門之外入庫門則至廟門

外矣大廟者祖廟也百官公卿以下也百姓王之親也入廟戒親親也王自此還齊路寢之室庫或為殿祭

之日王皮弁以聽祭報報猶白也夙興朝服以待白祭事者乃後服祭服而行事也周

禮祭之日小宗伯逆來省喪者不哭不敢凶服浥埽反

鑊告時於王告備於王也

道鄉為田燭

謂郊道之民為之也反道剗令新土在上也田燭田首為燭也 郊特牲 詳見祭

義

夏后氏祭其閭殷人祭其陽周人祭日以朝及閭

閭昏時也陽讀為曰雨曰暘之暘謂日中時也朝日出時也夏后氏大事以昏殷人大事以日中周人大事以日出亦謂此郊祭也以朝及閭謂終日有事 祭義 祭之日王被袞戴冕璪十

有二旒乘素車旂十有二旒龍章而設日月

詳見祭義

節

服氏郊祀裘冕二人執戈送逆尸從車

裘冕者亦從尸服也裘大裘也

凡尸服卒者之上服從車從尸車送逆之往來春秋傳曰晉祀夏郊董伯為尸 夏官

大宗伯

以禋祀祀昊天上帝

本文此下云以實柴祀日月星辰以樵燎祀司中司命觀師雨師

裡之言煙周人尚臭煙氣之臭聞者禋積也三祀皆積柴實牲體焉或有玉帛燔燎而升煙所以報陽也詳

見祭法
春官

燔柴於泰壇祭天也

壇封土為祭處也壇之言坦也坦明貌也祭

法

祭天曰燔柴

既祭積薪燒之爾雅

至敬不壇掃地而祭

疏曰此謂祭五方之天初則燔柴於大壇燔柴訖於壇下掃地而設正祭此周法也禮器郊祭天也血腥燭孰遠近備古今也尊者先遠詳見祭義禮器

郊血

逆牲逆尸令鐘鼓右亦如之

隋霽謂薦血也凡血祭曰霽既隋霽後言逆牲容逆

鼎右讀亦當為脩

大祝辨六號一曰神號

神號若云凡大禮

祀則執明水火而號祝

明水火司烜所共日月之氣以給蒸亨執之如以六號祝明此

主潔也 禋祀祭天神也 春官

皇皇上天照臨下土集地之靈降甘

風雨

禮運曰地秉陰竅於山川

庶物羣生各得其所靡今靡古

言覆施均

維予一人某敬拜皇天之祐

古祝辭則云嗣王某或曰一人某王者親告之辭也

維某年某月上日

年謂太歲所在月正月也 大戴禮

大祝既祭令徹

春官

已上

祭天禮節

凡以神仕者以冬至致天神人鬼

天

陽也陽氣升而祭鬼神致人鬼于祖廟盖用祭天明日 詳見百神 春官 此條祭天明日

凡祀

啟蟄而郊

啟蟄夏正建寅之月祀天南郊 詳見祭通禮時日卜筮章 桓五年左氏傳

孟

春天子乃以元日祈穀于上帝

謂以上辛郊祭天也春秋傳曰夫郊祀后稷以

祈農事是故啟蟄而郊郊而後耕上帝大微之帝也月令

郊祀后稷以祈農事

詳見本章傳已

龍見而雩

龍見建巳之月蒼龍宿之體昏見東方萬物始

盛待雨而大故祭天遠為百穀祈膏雨桓五年左氏傳

仲春命樂師脩鞀鞀鼓

均琴瑟管簫執干戚戈羽調竽笙箎簧飭鐘磬祝啟

為將

大雩帝習樂也脩均執調飭者治其器物習其事之言

命有司為民祈祀山川百

源大雩帝用盛樂乃命百縣雩祀百辟卿士有益於民

者以祈穀實

陽氣盛而常旱山川百源能興雲雨者也衆水始所出為百源必先祭其本乃雩雩

吁嗟求雨之祭也雩帝謂為壇南郊之旁雩五精之帝配以先帝也自鞀鞀至祝啟皆作曰盛樂凡他雩用歌

舞而已百辟卿士古者上公若勾龍后稷之類也春秋傳曰龍見而雩雩之正當以四月凡周之秋三月之中

而旱亦脩雩禮以求雨因著正雩此月失之矣天子雩上帝諸侯以下雩上公周冬及春夏雖旱禮有禱無雩

月令此二條夏大雩季秋上丁命樂正入學習吹為將饗帝也春夏重

舞秋冬重吹也大饗帝言大饗者徧祭五帝也曲禮曰大饗不問卜謂此也嘗犧牲告備

於天子嘗者謂嘗羣神也天子親嘗帝使有司祭於羣神禮畢而告焉月令大饗不

問卜祭五帝於明堂莫適卜也郊特牲曰郊血大饗腥不饒富富之言備也備而巳勿多於禮

也曲禮周公宗祀文王於明堂以配上帝明堂天子布政之堂也周

公因祀五方上帝於明堂乃尊文王以配之也孝經已上三條秋季大饗昔者周公旦

有勲勞於天下周公既沒成王康王追念周公之所以

勲勞者而欲尊魯故賜之以重祭外祭則郊社是也

詳見

祭義

成王以周公為有勲勞於天下

王功曰勲事功曰勞

命魯公

世世祀周公以天子之禮樂

同之於周尊之也魯公謂伯禽

是以魯君

孟春乘大路載弧韠旂十有二旒日月之章祀帝於郊

配以后稷天子之禮也

孟春建子之月魯之始郊日以至大路殷之祭天車也弧旌旗

所以張幅也其衣曰韠天子之旌旗畫日月帝謂蒼帝靈威仰也昊天上帝魯不祭

明堂位

魯人

將有事於上帝必先有事於類宮

上帝周所郊祀之帝謂蒼帝靈威仰也魯

以周公之故得郊祀上帝與周同先有事於類宮告后稷也告之者將以配天先仁也類宮郊之學也詩所謂類宮也字或為郊宮禮

器

已上三條魯之郊

杞之郊也禹也宋之郊也

契也

詳下傳此條杞宋之郊

右祀天 郊者并百王於上天而祭之也

百王百神也或

神字誤為王言社稷唯祭一神至郊天則魚祭百神以喻君魚父母者也荀子

因天

事天因地事地因名山升中於天因吉土以饗帝

於郊升中於天而鳳凰降龜龍格饗帝於郊而風

雨節寒暑時

詳見祭義

雷出地奮豫先王以作樂崇

德殷薦之上帝以配祖考

本義曰雷出地奮和之至也先王作樂既象其

聲又取其義殷盛也易

維十有三祀帝乃稱王而入唐郊

猶以丹朱為尸

舜承堯猶子承父雖已改禮易樂猶祭天於唐郊以丹朱為尸至十

三年天下既知已受堯位之意矣將自止郊而以丹朱為王者後欲天下昭然知之然後為之故稱王也晉祀夏郊以董伯為尸於時百執事咸昭然乃知王世不

絕爛然必自有繼祖守宗廟之君

知當以丹朱為王者後使祭其

郊也祖或為體

尚書大傳

噫嘻春夏祈穀於上帝也

朱子曰序

誤

我將祀文王于明堂也

詩序並

僖公三十一

年夏四月卜郊不從乃免牲

龜曰卜不從不吉也卜郊不吉故免

牲免猶縱也

猶三望

三望分野之星國中山川皆因郊祀望而祭之魯廢郊天而脩其小

祀故曰猶猶者可止之辭

卜郊不從乃免牲非禮也

諸侯不得郊天魯以

周公故得用天子禮樂故郊為魯常祀

猶三望亦非禮也禮不卜常

祀

必其時

而卜其牲日

卜牲與日知吉凶

牛卜日曰牲

既得吉日

則牛改名曰牲

牲成而卜郊上怠慢也

怠於古典慢瀆龜策

望郊之

細也不郊亦無望可也

左氏傳

曷為或言三卜或

言四卜三卜禮也四卜非禮也三卜何以禮四卜

何以非禮

據俱

求吉之道三

三卜吉凶必有相奇者可以決疑故求吉

必三

禘嘗不卜郊何以卜

禘比祫為大嘗比四時祭為大故據之

卜

郊非禮也

禮天子不卜郊

卜郊何以非禮

據上言

魯郊非

禮也

以魯郊非禮故卜爾昔武王既沒成王幼少周公居攝行天子事制禮作樂致太平有大

功周公薨成王以王禮葬之命魯使郊以彰周公之德非王故卜三卜吉則用之不吉則免牲謂之

郊者天人相與交接之意也不言郊天者謙不敢斥尊

魯郊何以非禮

據成

不郊天子祭天

郊者所以祭天也天子所祭莫重於郊居南郊者就陽位也案席玄

酒器用陶匏大珪不瑑大羹不和為諸侯祭土

謂土

天至尊物不可悉備故惟質以事之

社也諸侯所祭莫重於社鄉大夫祭五祀士祭其先祖

天子有方望之事

方望

謂郊時所望祭四方羣神日月星辰風伯雨師五嶽四瀆及餘山川凡三十六所

無所不

通

盡八極之內天之所覆地之所載無所不至故得郊也

諸侯山川有不在

其封內者則不祭也

故魯郊非禮也

曷為或言免牲或言

免牛免牲禮也

魯卜郊不吉免之禮卜郊不吉則為牲作玄衣纁裳使有司玄端放

之於南郊明本為天不敢留天牲

免牛非禮也免牛何以非禮傷

者曰牛

養牲不謹敬有灾傷天不饗用不得復為天牲故以本牛名之非禮者非天牲不當

復見免但內自省責而已

三望者何望祭也然則曷祭祭泰山

河海曷為祭泰山河海

據郊者主祭天

山川有能潤於

百里者天子秩而祭之

此皆助天宣氣布功故祭天及之秩者隨其大小尊

卑高下所宜禮祭天牲角繭栗社稷宗廟角握六宗五嶽四瀆角尺其餘山川視卿大夫天燎地瘞

日月星辰布山縣水沈風磔雨升燎者取俎上七體與其珪寶在辨中置於柴上燒之 觸石

而出膚寸而合

側手為膚案指為寸言其觸石理而出無有膚寸而不合

不崇

朝而徧雨乎天下者唯泰山爾

崇重也不崇朝言一朝也

河海

潤於千里

亦能通氣致雨潤澤及於千里韓詩傳曰湯時大旱使人禱於山川是也郊望

非一獨祭三者魯郊非禮故獨祭其大者 猶者何通可以已也 已何以止何以

書譏不郊而望祭也

譏尊者不食而卑者獨食書者惡失禮也魯至是郊者僖

公賢君欲尊明其先祖之功德不就廢之譏者春秋不見事不書皆從事舉可知也不吉言不從者明已意汲汲欲郊而卜不從耳所以見事鬼神當加精神

公羊傳

宣公三年春

王正月郊牛之口傷改卜牛牛死乃不郊猶三望

牛不稱牲未卜日言牛雖傷死當更改卜取其吉者郊不可廢也前年冬天王崩未葬而郊者不以王者廢天事禮記曾子問天子崩未殯五祀不行既殯而祭自啟至於反哭五祀之祭不行已葬而祭

望郊之屬也不郊亦無望可也

已有例在傳三十一有例在傳三

者嫌牛死與卜不從異

左氏傳

其言之何

據食角緩也辭間不言之容之

故為緩不若食角急也別天牲主以角書者譏宣公養牲不謹敬不潔清而灾重事至尊故詳錄其

簡甚昌為不復卜據定十五年牛死改卜牛養牲養二卜二卜語在下

帝牲不吉帝皇天大帝在北辰之中主總領天地五帝羣神也不吉者有灾則板

稷牲而卜之先卜帝牲養之有灾更引稷牲卜之以為天牲養之凡當二卜爾復不吉

不復郊帝牲在於滌三月滌宮名養帝牲三牢之處也謂之滌者取其蕩滌滌潔

清三牢者各主一月取三月一時足以充其天牲於稷者唯具是視視其身體

具無灾害而已不特養郊則昌為必祭稷據郊者於滌宮所以降稷尊帝主為祭

王者必以其祖配祖謂后稷周之始祖姜嫄履大人迹所生配配食也王

者則曷為必以其祖配

據方父事天

自內出者無匹不

行

匹合也無所與會合則不行

自外至者無主不止

必得主人乃止者天

道闇昧故推人道以接之不以文王配之者重本尊始之義也故孝經曰郊祀后稷以配天宗祀文王於明堂以配上帝五帝在大微之中迷生子孫更王天下書改卜者善其應變得禮公羊傳

之口緩辭也傷自牛作也

牛自傷口非備灾之道不至也故以緩辭

言改卜牛牛死乃不郊事之變也

牛無故自傷其口易牛改卜復

死乃廢郊禮此事之變異

乃者亡乎人之辭也

譏宣公不恭致天變穀梁傳

成公七年春王正月鼯鼠食郊牛角改卜牛鼯

鼠又食其角乃免牛

杜曰稱牛未卜日免放也免牛可也不郊非禮也

夏

五月不郊猶三望

書不郊間有事三望非禮

不言日急辭也

辭中

促迫不容日

過有司也郊牛日展斛角而知傷展道盡

矣其所以備灾之道不盡也

有司展察牛而即知傷是展察之道盡不

能防灾禦患致使牛傷故不書日以顯有司之過斛球球然角貌

改卜牛鼯鼠又

食其角又有繼之辭也

前已食故曰繼

其緩辭也曰亡乎

人矣非人之所能也所以免有司之過也

至此復食乃知

國無賢君天灾之爾非有司之過也故言其以赦之

乃免牛乃者亡乎人之

辭也免牲者為之緇衣纁裳有司玄端奉送至於

南郊免牛亦然免牲不曰不郊免牛亦然郊者用牲今言

免牲則不郊顯矣若言免牛亦不郊而經復書不郊者蓋為三望起爾言時既不郊而猶三望明失

禮穀

梁傳

成公十年夏四月五卜郊不從乃不郊

杜曰卜常祀不郊皆非禮故書夏四月不時也郊時極於三月五卜強也

穀梁傳成公十七年九月辛丑用郊杜曰九月郊祭非禮明矣

書用郊從史文用者不宜用也九月非所用郊也周之九月夏之

七月天氣上升地氣下降又非郊時故加用之然則郊曷用郊用正月上

辛

魯郊博卜春三月言正月者因見百王正所當用也三王之郊一用夏正言正月者春秋之制

也正月者歲首上辛猶始新皆取其首月之辛日者明用辛例不郊則不日

或曰用然

後郊

或曰用者先有事存后稷神名也晉人將有事於河必先有事於惡池齊人將有事於泰

山必先有事於蜚林魯人將有事於天必先有事於類宮九月郊尤悖禮故言用小大盡譏之以不郊乃譏三望知郊不得譏小也又夕牲告

公羊傳

夏之

始可以承春以秋之末承春之始蓋不可矣

郊春事也

傳三十一年夏四月四卜郊不從傳曰四月不時今言可者方明秋末之不可故以是為猶可也

九月用郊用者不宜用也宮室不設不可以祭衣

服不脩不可以祭車馬器械不備不可以祭有司

一人不備其職不可以祭祭者薦其時也薦其敬

也薦其美也非享味也

穀梁傳

襄公七年夏四月

三卜郊不從乃免牲

稱牲既卜日也
卜郊又非禮也

孟獻子曰吾

乃今而後知有卜筮夫郊祀后稷以祈農事也

郊祀

后稷以配天后稷
周始祖能播殖者

是故啟蟄而郊郊而後耕今既

耕而卜郊宜其不從也

啟蟄夏正建寅之月
耕謂春分左氏傳

襄

公十一年夏四月四卜郊不從乃不郊夏四月不

時也四卜郊非禮也

穀梁傳

定公十五年春王正

月饑鼠食郊牛牛死改卜牛

杜曰不言所食處舉死重也改卜禮也

曷為不書其所食漫也

公羊傳

不敬莫大焉

不言所食

食非一處而至死定公不敬最大故天災最甚穀梁傳

夏五月辛亥郊

杜曰

書過曷為以夏五月郊三卜之運也

公羊傳

哀公元

年春王正月饑鼠食郊牛角改卜牛

按左氏無角字

夏四

月辛巳郊此該郊之變而道之也

該備也春秋書郊終於此故於

此備說郊之變變謂郊非其時或牲被災害

於變之中又有言焉

於災變之

中入有可善而言者麋鼠食郊牛角改卜牛志不敬也郊牛

日展斛角而知傷展道盡矣

展道雖盡所以備灾之道不盡譏哀公不

敬故致天灾

郊自正月至於三月郊之時也夏四月郊

不時也五月郊不時也夏之始可以承春以秋之

末承春之始蓋不可矣

凱曰不時之中有差劇也夏始承春方秋之末猶可

為也九月用郊用者不宜用也

在成十七年

郊三卜禮也

以十二月下辛卜正月上辛如不從則以正月下辛卜二月上辛如不從則以二月下辛卜三月上辛所謂三卜也鄭嗣曰謂卜辛而三也求吉之道三故曰禮也四卜非禮也

僖三十一

年襄十一年皆四卜

五卜強也

成十年五卜

卜免牲者吉則免之

不吉則否牛傷不言傷之者傷自牛作也故其辭

緩

宣三年郊牛之口傷以牛自傷故加之言緩辭

全曰牲傷曰牛未牲曰

牛其牛一也其所以為牛者異

已卜日成牲而傷之曰牛未卜日未

成牲之牛二者不同

有變而不郊故卜免牛也已牛矣其尚

卜免之何也

灾傷不復以郊怪復卜免之

禮與其亡也寧有

於禮

有卜之與無卜寧當有卜

嘗置之上帝矣故卜而後免之不敢

專也

當置之滌宮名之為上帝牲故不敢擅放也

卜之不吉則如之何

不免安置之繫而待六月上甲始庀牲然後左右

之

庀具也待具後牲然後左右前牛在我用之不復須卜已有新牲故也周禮曰司門掌授管鍵

以啟閉國門祭祀之牛牲繫焉然則未左右時監門者養之

子之所言者牲之

變而曰我一該郊之變而道之何也我以六月上

甲始庀牲十月上甲始繫牲十一月十二月牲雖

有變不道也

牲有變則改卜牛以不妨郊事故不言其變

待正月然後

言牲之變此乃所以該郊

至郊時然後言其變重其妨郊也十二月不道

自前可知也至正月然後道則二月三月亦可知也此所以該郊言其變道盡郊享道也

貴其時大其禮其養牲雖小不備可也

享者飲食之道牲有

變則改卜牛郊日已逼庀繫之禮雖小不備合時得禮用之可也

子不志三月卜

郊何也

三月謂十二月正月二月也

郊自正月至於三月郊之

時也

有變乃志常事不書

我以十二月下辛卜正月上辛如

不從則以正月下辛卜二月上辛如不從則以二

月下辛卜三月上辛如不從則不郊矣

意欲郊而不吉故

曰不從郊必用上辛者取其新潔莫先也穀梁傳

哀公十三年公會吳

晉盟吳人因子服景伯景伯謂大宰曰魯將以十

月上辛有事於上帝先王季辛而畢何世有職焉

有職於祭事

左氏傳

孔子曰嗚呼哀哉我觀周道幽厲

傷之吾舍魯何適矣

政亂禮失以爲魯尚愈

魯之郊禘非禮

也周公其哀矣

非猶失也魯之郊牛口傷踐鼠食其角又有四卜郊不從是周公之

道衰矣言子孫不能奉行興之

杞之郊也禹也宋之郊也契也是

天子之事守也

先祖法度子孫所當守

故天子祭天地諸侯

祭社稷

禮運

桓公五年秋大雩書不時也凡祀龍

見而雩

註見上

過則書

卜日有吉否過次節則書以譏慢也

定

左氏傳

公元年九月大雩雩月雩之正也秋大雩非正也

冬大雩非正也秋大雩之為非正何也

冬禾稼既成猶雩則

非禮可知秋禾稼始苗嫌當須雨故問也

毛澤未盡人力未竭未可以

雩也

邵曰凡地之所生者謂毛公羊傳曰錫之不毛之地是也言秋百穀之潤澤未盡也人力

未盡謂耕耘之功未畢

雩月雩之正也月之為雩之正何也

其時窮人力盡然後雩雩之正也何謂其時窮人

力盡是月不雨則無及矣是年不艾則無食矣是

其時時窮人力盡也雩之必待其時窮人力盡何

也雩者為旱求者也求者請也古之人重請何重
乎請人之所以為人者讓也請道去讓也則是舍
其所以為人也是以重之焉請哉請應乎上公古
之神人有應上公者通乎陰陽君親帥諸大夫道
之而以請焉

道之謂君必為先也其禱辭曰方今大旱野無生稼寡人當死百姓何謗

不敢煩民請命願撫萬民以身塞無狀禱亦請也此即請辭也

夫請者非可詒託

而往也必親之者也是以重之

詒託猶假寄穀梁傳

成

公七年冬大雩雩不月而時非之也冬無為雩也

穀梁傳

小宗伯兆五帝於四郊

兆為壇之營域五帝蒼曰靈威仰大昊食焉赤曰赤嫫怒炎帝

食焉黃曰含樞紐黃帝食焉白曰白招拒少昊食焉黑曰叶光紀顓頊食焉黃帝亦於南郊春官因

吉土以饗帝於郊

吉土王者所卜而居之土也饗帝於郊以四時所兆祭於四郊者也今漢

亦四時迎氣其禮則簡禮器此兩條五帝神位

春其帝大皞其神句芒

此

精之君木官之臣自古以來著德立功者也夏其帝炎

帝其神祝融

此赤精之君火官之臣自古以來著德立功者也炎帝大庭氏也祝融顓頊氏之子

曰犂為火官

中央土其帝黃帝其神后土

此黃精之君土官之臣自古以來著

德立功者也黃帝軒轅氏也后土
亦顓頊氏之子曰犂蓂為土官
秋其帝少皞其神蓐

收此白精之君金官之臣自古以來著德立功者
也少昊金天氏蓐收少皞氏之子曰該為金官
冬其

帝顓頊其神玄冥此黑精之君水官之臣自古以來著
德立功者也顓頊高陽氏也玄冥少

皞氏之子曰脩曰熙為水官

月令

此條配帝及帝臣

大宗伯以玉作六器以

禮天地四方

禮謂始告神時薦於神坐
書曰周公植璧秉圭是也

以青圭禮東方

以赤璋禮南方以白琥禮西方以玄璜禮北方

禮東方
以立春

謂蒼精之帝而大皞句芒食焉禮南方以立夏謂赤精
之帝而炎帝祝融食焉禮西方以立秋謂白精之帝而
少昊蓐收食焉禮北方以立冬謂黑精之帝而顓頊玄
冥食焉禮神者必象其類圭銳象春物初生圭曰璋

象夏物半死琥猛象秋嚴肅半璧曰
璜象冬閉藏地上無物唯天半見

皆有牲幣各放其

器之色

幣以從爵若人飲酒有酬幣

春官 充人掌繫祭祀之牲牲祀

五帝則繫於牢芻之三月

牢閑也必有閑者防禽獸觸齧養牛羊曰芻三月一時節

氣成地官

司服王祀昊天上帝則服大裘而冕祀五帝

亦如之

注見祀天春官

掌次祀五帝則張大次小次設重

幣重案

祀五帝於四郊次謂幄也大幄初往所止居也小幄既接祭退俟之處祭義曰周人祭日以朝

及闇雖有強力孰能支之是以退俟與諸臣代有事焉
重幣複幣重案牀重席也鄭司農云五帝五色之帝

天官

大司樂乃奏黃鍾歌大呂舞雲門以祀天神

注見祀天

春官 已上祀
五帝禮物舞樂

大宰祀五帝則掌百官之誓戒與其

具脩前期十日帥執事而卜日遂戒及執事眡滌濯及納

亨贊王牲事及祀之日贊王幣爵之事

注見祀天

大司

冠若禋祀五帝則戒之日涖誓百官戒于百族

戒之日卜

族謂府史以下也郊特牲曰卜之日王立於澤親聽誓命受教諫之義也獻命庫門之內戒百官也大廟之內戒百

姓也

及納亨前王祭之日亦如之

納亨致牲

奉其明水火

明水火所取于

日者小司寇凡禋祀五實鑊水納亨亦如之

納亨致牲也其時鑊水當

以洗解牲體肉

士師祀五帝則沃戶及王盥洎鑊水

洎謂增其沃汁並

秩官

大司徒祀五帝奉牛牲羞其肆

牛能任載地類也奉猶進也鄭司農云羞

進也肆陳骨體也玄謂進所解骨體士喪禮曰肆解去蹄地官已上祀五帝禮節

先立春三日

大史謁之天子曰某日立春盛德在木天子乃齊

大史禮官之屬

掌正歲年以序事謂告也

立春之日天子親帥三公九卿諸侯大夫以

迎春於東郊還反賞公卿諸侯大夫於朝

迎春祭蒼帝靈威仰於東郊之

兆也王居明堂禮曰出十五里迎春蓋殷禮也周迎郊五十里賞謂有功德者有以顯賜之也朝大寢門外

命

相布德和令行慶施惠下及兆民

相謂三公相王之事也德謂善教也令謂時禁

也慶謂休其善也惠謂恤其不足也天子曰兆民

慶賜遂行毋有不當

遂猶達也言使當得

者皆得得者無非其人先立夏三日大史謁之天子曰某日立夏

盛德在火天子乃齊立夏之日天子親帥三公九卿大

夫以迎夏于南郊還反行賞封諸侯慶賜遂行無不欣

悅

迎夏祭赤帝赤燠怒于南郊之兆也不言帥諸侯而云封諸侯諸侯時或無在京師者空其文也祭統曰

古者于禘也發爵賜服順陽義也于嘗也出田邑發秋政順陰義也今此行賞可也而封諸侯則違于古封諸

侯出土地之事于先立秋三日大史謁之天子曰某日

立秋盛德在金天子乃齊立秋之日天子親帥三公九

卿諸侯大夫以迎秋于西郊還反賞軍帥武人于朝

迎秋

欽定四庫全書

禮記集說
卷三十五

者祭白帝白招拒于西郊之兆也軍帥
諸將也武人謂環人之屬有勇力者先立冬三日大

史謁之天子曰某日立冬盛德在水天子乃齊立冬之

日天子親帥三公九卿大夫以迎冬于北郊還反賞死

事恤孤寡

迎冬者祭黑帝叶光紀于北郊之兆也死事
謂以國事死者若公叔禹人顏涿聚者也孤

寡其妻子也有以惠賜之大功季冬乃畢祀帝之大

加賞

月令

此條四時迎氣

臣天之神祇四時之功成于冬孟月祭其宗至此可以
祭其佐也帝之大臣句芒之屬天之神祇

司中司命風師雨師
月令 此條祀帝臣

右祀五帝及五人帝五人神 季康子問于孔子

曰舊聞五帝之名而不知其實請問何謂五帝孔

子曰昔丘也聞諸老聃曰天有五行水火金木土

分時化育以成萬物

一歲三百六十日五行各主七十二日也化生長育一歲

之功萬物莫敢不成

其神謂之五帝

五帝五行之神佐天生物者而後世識緯皆為

之名字亦為妖怪妄言

古之王者易代而改號取法五行五

行更王終始相生亦象其義

法五行更王終始相生始以木德王天下

其次以生之行轉相成而諸說乃謂五精之帝下生王者其義或無可言者

故其生為

明王者而死配五行是以太皞配木炎帝配火黃

帝配土少皞配金顓頊配水康子曰太皞氏其始
之木何如孔子曰五行用事先起於木木東方萬
物之初皆出焉是故王者則之而君以木德王天
下其次則以所生之行轉相承也

木生火火
生土之屬

康子

曰吾聞句芒為木正祝融為火正蓐收為金正玄
冥為水正后土為土正此五行之主而不亂稱曰
帝者何也孔子曰凡五正者五行之官名五行佐
成上帝而稱五帝太皞之屬配焉亦云帝從其號

天至尊物不可以同其號亦兼稱上帝上帝得包下
五行佐成天事謂之五帝以地有五行而其精神
在上故亦為之上帝黃帝之屬故亦稱帝蓋從天
五帝之號故王者雖號稱五帝而不得稱天帝而
曰天子者言天子與天其尊卑相去
遠矣曰天王者言乃天下之王也 昔少皞氏之

子有四叔曰重曰該曰脩曰熙實能金木及水使

重為句芒該為蓐收脩及熙為玄冥顓頊氏之子

曰黎為祝融共工氏之子曰句龍為后土此五者

各以其所能業為官職

各以一行之官為職業之事

生為上公

死為貴神別稱五祀不得同帝

五祀上公之神故不得稱帝也其序

則五正不及五帝五帝不及天地而不知者以祭社為祭地不亦失之遠矣且土與火水俱為五行是地之子也以子為母不亦顛倒失尊卑之序也

康子曰陶唐有虞夏后

殷周獨不得配五帝意者德不及上古耶將有限乎孔子曰古之平治水土及播殖百穀者衆矣唯

句龍兼食於社

兼猶配也

而棄為稷神易代奉之無敢

益者明不可與等故自太皞以降逮於顓頊其應五行而王數非徒五而配五帝是其德不可以多也

家語

蔡墨曰有五行之官是謂五官實列受氏

姓封為上公

爵上公

祀為貴神社稷五祀是尊是奉

五官之君長能脩其業者死皆配食於五行之神為王者所尊奉

木正曰句芒

正官

長也取木生句曲而有芒角也其祀重焉

火正曰祝融

祝融明貌其祀犂焉

金正

曰蓐收

秋物摧辱而可收也其祀該焉

水正曰玄冥

水陰而幽冥其祀脩及熙

焉

土正曰后土

土為羣物主故稱后也其祀句龍焉在家則祀中霤在野則為社

獻子曰社稷五祀誰氏之五官也

問五官之長皆是誰對曰

少皞氏有四叔

少皞金天氏

曰重曰該曰脩曰熙實能

金木及水

能治其官

使重為句芒

正木

該為蓐收

正金

脩及

熙為玄冥

二子相代
為水正

世不失職遂濟窮桑此其三

祀也

窮桑少昊之號也四子能治其官使不失職
濟成少昊之功死皆為民所祀窮桑地在魯

北

顓頊氏有子曰犁為祝融

犁為
火正

共工氏有子曰

句龍為后土此其二祀也

昭二十九
年左氏傳

王宮祭日也夜明祭月也

王宮日壇王君也日稱君宮
壇營域也夜明亦謂月壇也

法

祭

祭日於壇祭月於坎祭日於東祭月於西

詳見
祭義

掌次朝日則張大次小次設重幣重案

朝日春分拜
於東門之

外次謂幄也大幄初往所止居也小幄既接祭
退俟之處重幣複幣重案牀重席也

天官

天子

玄端而朝日於東門之外

端當為冕字之誤也玄衣而冕冕服之下朝日春分之時

也東門謂國門也

玉藻

典瑞王晉大圭執鎮圭纁藉五采五就

以朝日

纁有五采文所以薦玉木為中幹用韋衣而畫之就成也王朝日者示有所尊訓民事君也天

子常春分朝日秋分夕月覲禮曰拜日於東門之外故書鎮作瑱鄭司農云晉讀為指紳之指謂揶之於紳帶之間若帶劍也瑱讀為鎮玉人職曰大圭長三尺抒上終葵首天子服之鎮圭尺有二寸天子守之纁讀為藻率之藻五就五币也一币為一就

春官 天子大采朝日與三公九卿祖

識地德

禮天子以春分朝日示有尊也虞說云大采衮織也祖習也識知也地德所以廣生昭謂禮玉

藻天子玄冕以朝日玄冕冕服之下則大采非衮職也周禮王搢大圭執鎮圭藻藉五采五就以朝日則大采

謂此也言天子與公卿因朝日以脩陽政而習地德因夕月以治陰教而糾天刑日照晝月照夜各因其明以

脩其少采夕月與大史司載糾虔天刑夕月以秋分糾恭也虔敬也刑

法也或云少采黼衣也昭謂朝日以五采則夕月其三采也載天文也司天文謂馮相氏保章氏與大史相儷

偶也此因夕月而恭敬觀天法考行度以知妖祥也國語魯語大宗伯以實柴祀

日月星辰實柴實牛柴上春官羊人凡積共其羊牲積積柴種祀類

燎實柴疏曰祭天用犢其日月以下有用羊者夏官典瑞圭璧以祀日月星

辰圭其邸為璧取殺於上帝春官圭璧五寸以祀日月星辰禮其神也

圭其邸為璧取殺於上帝考工記玉人大司樂乃奏黃鐘歌大呂舞雲

門以祀天神

天神謂五帝及日月星辰也
詳見祀天

春官

迎日之辭曰

維某年月上日明光於上下勤施於四方旁作穆穆維

予一人某敬拜迎日東郊

尚書大傳此辭

按大戴禮亦有已上祀日月之正禮

已下因事而祀日月

郊之祭大報天而主日配以月

主日者以其光明天

之神可見者莫著焉祭義此因郊而祀

諸侯覲於天子天子乘龍載

大旆象日月升龍降龍出拜日於東門之外

此謂會同以春者也

馬八尺以上為龍大旆大常也王建大常繆首畫日月其下及旒交畫升龍降龍朝事儀曰天子冕而執鎮圭尺有二寸繅籍尺有二寸搢大圭乘大路建大常十有二旒樊纓十有二就貳車十有一乘帥諸侯而朝日於

東郊所以禮日於南門外禮月與四瀆於北門外此謂會同

以夏冬者也變拜言禮者容祀也禮月於北郊者月大陰之精以為地神也覲禮此因會同而祀

孟冬天子乃祈來年於天宗此周禮所謂蜡祭也天宗謂日月星辰也月令

此因蜡而祀日月星辰之神則雪霜風雨之不時於是乎

禋之周禮四曰禋祭為營壝用幣以祈福

右祀日月莊公十八年日有食之不言日不言

朔夜食也何以知其夜食也曰王者朝日王制曰天子立

冕而朝日於東門之外故日始出而有虧傷之處是以知其夜食也何休曰春秋不言月食日者以

其無形故闕疑其夜食何緣書乎鄭君釋之曰一日一夜合為一日今朔日月始出其食虧傷之處未復故知此日以夜食夜食則亦屬前月之晦故穀梁不以為疑故雖為天子必

有尊也貴為諸侯必有長也故天子朝日諸侯朝

朔

穀梁傳

大宗伯以實柴祀星辰

星為五緯辰謂日月所會十二次

典瑞圭璧

以祀日月星辰

詳見上章並春官

圭璧五寸以祀日月星辰

詳見上章

祭星曰布

布散祭於地爾雅

大司樂乃奏黃鐘歌大

呂舞雲門以祀天神

詳見祀天辰正禮以下因事而祀

孟冬天

子乃祈來年於天宗

詳見上章

幽宗祭星也

宗皆當為崇字之誤也幽

崇亦謂星壇也星以昏始見崇之言營也春秋傳曰日月星辰之神則雪霜風雨之不時於是乎崇之祭法

日月星辰之神則雪霜風雨之不時於是乎崇之

星辰之神

若實沈者昭元年左氏傳

右祀星辰

祭司民司祿見百神篇

古之火正或食於心或

食於味以出內火是故味為鶉火心為大火

謂火正之

官配食於火星建辰之月鶉火星昏在南方則令民放火建戌之月大火星伏在日下夜不得見則令民內火

陶唐氏之火正閼伯居商丘

陶唐堯有天下號閼

禁放火

伯高辛氏之子傳曰遷閼伯於商丘主辰
辰大火也今為宋星然則商丘在宋地
祀大火

而火紀時焉

謂出內火時

相土因之故商主大火

相土契孫

商之祖也始代閼伯之後居商
丘祀大火
襄九年左氏傳

遷閼伯於商丘

主辰

商丘宋地主祀辰星辰大火也

商人是因

商人湯先相土封商丘因閼伯故國

祀星

遷實沈於大夏主參

大夏今晉陽縣

唐人是因

唐人若劉

累之等累遷魯縣此在大夏
昭元年左氏傳
按通典云周制仲秋之月祭

靈星於國之東南秋分日享壽星於南郊此皆不
見於經典又絲衣詩序引高子曰靈星之尸也朱

子謂高子尤誤
今附載於此

大宗伯以禋燎祀司中司命觴師雨師

禋積也詩曰芄芾棫樸薪之禋

之積柴實牲體焉燔燎而升煙所以報陽也鄭司農云司中三能三階也司命文昌宮星風師箕也雨師畢也

玄謂司中司命文昌第五第四星或曰中能上能也春官

祭風曰磔

今俗當大道中磔狗

云以上風此其象爾推

季冬乃畢祀天之神祇

天之神祇司命風師雨師

月令按通典云周制立春後丑日祭風師於國城東北立夏後申日祀雨師於國城西南立冬後亥日祀司中司命司民司祿於國城西北亦未知何據

右祀司中司命觴師雨師

禮書綱目卷三十五